



ATASSUT INATSISARTUNI

ATASSUT

UKA 2013/127-1

Gerhardt Petersen

05.11.2013

Kalaallit Nunaata Extractive Industries Transparency Initiative-mi (EITI) candidate/compliant country status-eqarluni ilaasortanngorsinnaaneranut periarfissat pillugit Naalakkersuisut naalagaaffimmut attaveqaqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Doris Jakobsen, Siumut)

Siumut sinnerlugu Inatsisartuni ilaasortaq Doris Jakobsen, siunnersuummik matuminnga saqqummiisoq ilumoorpoq nunarput aatsitassanik tunisassiornerup iluani peqataasut pingaaruteqariartuinnartoq, taamatuttaaq isumaqatigaarput Kalaallit Nunaata ingerlariaqqilluni EITI-mi candidate/compliant country status-eqalernissaq siunertaralugu suleriaqqittoqarnissaanut piffissanngortoq.

ATASSUT-mit siunnersuuteqartup siunnersuutaa tunngavilersorluagaasoq aammalu Naalakkersuisut akissutaat killiffimmik ilisimatitsissutaalluortoq tamaasa ilalernatippavut, taamaammallu pisussaaffigiligassat annertussusaat misissussallugu piffissaasorinarmat ATASSUT-mit inassutigissavarput siunnersuut aappassaaneerseqartinnagu Inatsisartut Aatsitassanut Ataatsimiititaliaanut suliassanngortinneqassasoq.

Siunnersuuteqartup nassuiaataa Naalakkersuisullu akissuteqaataat ersarimmata taamatut naatsukullanngamik oqaaseqaateqarluta qisuariaateqarpugut.